

اوسات عثمیه کبریه

هفته‌لق سیاسی ، ادبی ، علمی غزته‌در

جلد : ۳

سنه : ۲ ۴ جاذی‌الاول ۱۳۳۶ جمعه‌ایرتی ۱۶ شباط ۱۹۱۸ نوسرو ۲۴ — ۵۵

ایمپراتور عثمانی و پاشا عثمانی

— مابعد —

عباسیلر بغدادده نصل عجم‌شورلرسه ، عثمانیلرده استانبولده اولیه روم‌لاشیورلر .
بوراده‌کی ذوات کرامت قسم اعظمی (روم‌لاشوق) کله‌سناک معناسنی ؛ کندیلرینی بیلدکری کوندن
بری بیلرلر . وسوزمی پک‌طبعی وحق بولورلر . مقصدی بیکانه‌له افهام ایچون برقاچ کله‌ایله ایضاح
مرام ایدیم :

(روم ترکی) هم جغرافیائی هم اتنوگرافیک برتعبیردر : بخارا ترکی ، سمرقند ترکی ، آذربایجان
ترکی کی . یزانس ایمپراطورلغناک حوزه حکومتنده برزمان بولمیش اولان یرلر و بویورلرک سکنه‌نی
دیمک . بوراده تمام ایران مقابلیدر : سلجوقیان ایران ؛ سلجوقیان روم کی .
(روم ایلی) ده بویله‌در . چونکه ترک‌لرک ایجاد ایتیش اولدیغی بوتعبیر ایله محدود و معین یرلرده
روم عنصری اقلیتی تشکیل ایدر . موره شبه جزیره‌سی هان سراپا روم‌لرله مسکون‌ایکن (روم ایلی)
نامنی آلامشدی .

(رومی) صفتی هر صنف و مسلکدن بالعموم بیوکرمز ، کال افتخار و ممنویته قبول ایتشلدز .
جلال‌الدین رومی ، اشرف رومی کی اعظم اولیاء الله بوکله ایله تلقب واشتیار ایتدیلر . ابن کاله
(علامه روم) ، (محقق روم) دینیر .

(ترک) عرقناک اک بیوک پادشاهی ، شبه یوقدرکه ، سلطان سلیمان قانونیدر . هم بو پادشاه ،

حامله کلنجه: حرم هایون شوکت احتواسنده متعدد حاملر [پادشاه] لره [والده] لره [شهرزاده و سلطانلره] . [جاریه] لره بیله آیری آیری بالحساب یاپیلش بش حامدن عبارتدر . خلاصه شونی عرض ایتک ایسترم که بوسرای معلا خاطرات قدیمه یی مؤید عثمانلیق واسلامیتک عملی ، جانی و تاریخی برهیکل مجسمی ، متین و معظم آبدوسی ، لطیف و مبجل بر [تخت کاه] ی و روحفزا [آرامگاه] ی ، کوزلری قماشدیره جق کوزالکی ایله اسلاف پادشاهان عظام حضراتندن سلطنت سنیة خلافتیناهی به موروث و بوتون ملت نجیة عثمانیه واسلامیه نك سینة پاکنده جان و باشله حفظ ایدلسی ایچون قالمش بر یادکاردر . بناء علیه بو سرای دلارا حقنده مجلس اعیان رئیس اول وکیل وقعه نویس عبدالرحمن شرف بک افندی حضرتلرینک تاریخ انجمنی مجموعه لرنده یازمش اولدقلری مقاله لره مراجعت اولنورایسه دهلا زیاده تفصیلات آیلنلمش و معلومات ایدینلمش اوله جغندن مذکور مقاله لری مطالعه بیورلسنی توصیه ایتکی وجیبه دن عدایده رم .

علی نهاد

[کوستاولوبون] ک آثارندن :

فرانسه اختلالی و روحیات انقلابات

فلسفه کوره اختلاللرک معناسی

بتون اختلاللرده اهلینک دخل و تأثیری عین صورتده جاریدر . اختلالی تصورایدن و اوکابر جریان و ترتیب ویرن اهالی دکلدر . خلقک قوت و تأثیری ، حرکت و فعالیت ، اونک سائق و مشوقلری طرفندن تنظیم و اداره اولمقده در . بو قاعده نك بر استثناسی واردر : خلق ، طوغریدن طوغری به منافع خصوصیه سنک سکتیه اوغرا دیغنی کورور کورمر ، ایچندن بعض حزبلر علی الفور غلیان و عصیان ایدر . ایشته موضعی بر صورتده وجود بولان بوفوران عادی براغتاشدر .

براختلالک سائقلری اصحاب نفوذدن ایسه ، اونک ساحه فمله خپقه بیلیمی قولای اولور . [پورتوغال] و [برزیلیا] اخیراً بزه متعدد مثالر ویرمشلردر . مع مافیه شوراسنی ذکر ایتک ، لازمدرکه خلق ، افکار جدیدیه بک بطی بر صورتده نفوذ ایده بیلمکده در .

خلق ، اکثریاهیت و کنهنی اکلایمه دن ، اسبابنی تدقیق ایتمه دن اختلاله آلت اولیور واونک منشأ تحقیقسنی اکلایجهیه قدر اختلال ختامه ایرمش بولنیور .

خلق ، اساسنی آکلادیفی ایچون دکل ، او یولده تشویق ایدلدیکی ایچون اختلال قوپاریر ، مشوقلرینک مضمرات وافکارینه پکده نفوذ ایدهمدیکندن بولنری کندی قابلیت ذهنیه سنه کوره تفسیر ایتکه قالدیشیر . فقط امین اولمیدرکه بو طرز تفسیر اصل اختلال سائقلرینک استهداف ایتدکلی مقاصد ایله هیچ برمشابته اراهه ایتمز . فرانسه اختلالی بواساس ایچون عبرت آمیز برمشالدر .

۱۷۸۹ اختلالنده هدف اتخاذ اولنان مقصد ، اصیلزادکانک نفوذ حاکمیتلرینی [بورژووازی] یه دور یعنی ققدان قابلیتی ثابت اولان قدیم برصنف ممتازک یرینه درایت واهلیتی مسلم یکی بر طبقه ممتازه اقامه ایتک ایدی . اختلالک بوایلک صفحه سنده خلق ایکنجی درجه ده قالیوردی . واقعا اونک حاکمیتی اعلان وتصدیق ایدلش ایدیسدهده بو حاکمیت ، ممثل و مرخصلرینی انتخاب حقندن بشقه بر صورتله تظاهر ایتهمکده ایدی .

اساساً جهالت ایچنده پویان اولان و [بورژووازی] صنفه منسوب اولانلره قارشو کندی عجز وضعفنی بیله رک اونلر کی یوکسلمک سوداسندن پک اوزاق بولنان خلنک مقاصد و منافعی ، هر حالده طبقات عالیة اجتماعییه منسوب اولانلرک غایه لری ایله بر دکلدی .

مجلس ایله قراللق مقامی آره سنده توالی ایدن مجادلات نتیجه سیدرکه خلقه مداخله ایتک قیوسنی آچدی . خلق ایشه قاریشدی واختلال ، [بورژووا] اختلالی صفتنی ضایع ایدمک اهالی اختلالی ماهیتنی آلدی .

بر فکر ، حد ذاتنده هر درلو قوه مادیه دن عاری و مرضی و رمزی بر متکاسی و مبنای تأیدی اولمدهجه ، اجرای تأثیر خاصه سندن وارسته بولندیغندن ، [بورژووازی] طرفندن نشر ایدیلن ونظریات ساحه سندن حیثه میان مجله افکارک ، خلق اوزرنده بر تأثیر اجرا ایدم بیلیمک ایچون ، مطلقاً مادی و ظاهر منافعک مولودی اولقی اوزره بر عقیده حاله تحول ایتسی لازم ایدی . خلنک طرز تلقیسنده بو سریع تحول ، آنجق کندنجه حکومت تلقی ایتدیکی آدملرک لسانندن اونلره هر صورتله مساوی اولدیفی حقنده بر چوق تأمینات آلدقندن صوکره مشهود اولغه باشلامش وایشته او وقتدن اعتباراً خلق ، کنهینی مغدور موقعنده کوره رک ، حقنی استعمال ایتک زعمیه ، یغمایه و تخریباته قالدیشمشدر . اختلالک اک بیوک قوتی ، محیط ، عنعنات وقوانین سایه سنده عصرلردنبری تهوین مضراتنه موفقیت حاصل اولان احتراصات وحشیانهیه سربست بر جریان ویرمکده تظاهر ایتمشدر . جمهوری مقید بر حالده طوتان هر درلو علائق وروابط اجتماعیه کوندن کونه کسب ضعف ایتدکجه ، خلق ، کندنده غیر محدود بر نفوذ و حاکمیت حسن طویمش و آرتق حاکم مطلق اولنجه هر درلو حرکاتی تجویزده بر محدود کورمه مشدر .

اختلالک بدایتنده ، بر عقیده نک تظاهرات صریحه سی ماهیتنی آلان [حریت] ، [مساوات] و [اخوت] عقیده لری ، بالاخره ، اهلیت و درایتیه طبقات اجتماعیه آره سنده تحیز ایدن وحد ذاتنده باشی بوش خلق ایچون ناظم حرکات ورهبر فعالیت اولان قسم ممتازه قارشو سائقه احتراص وحسد

ایله ارنگاب اولنان حرکاته برشمه قانونیت و بررنک عدالت ویره بیلیمک ایچون استعمال اولنان برر آلت درکهنه ایندیرلمشدر . ایشته بواسباب و سوائی پک آرزمانده اغتشاشات، ترهبات و تذبذباته واسع بر جریان ، مدهش برفسحت ویرمشدر .

اختلال ، [بورژوازی] صنفدن طبقات اهالییه ایندییه دقیقه دن اعتباراً اختلال، ارتق حیات و احتراصاته قارشوعقل و حکمتک غلبه سنی تأمینیه صالح بر قوه تأییدیه، بر عامل نفوذ اولقندن اوزاقلاشمش، بالعکس عقل و منطقک تأثیراتی غرض و حرص ایله ازاله خصوصنده عادتاً بر سلاح تحکم و تبحر اولمشدر. غرض و حرصک صورت حقندن کورونمک شرطیه واقع اولان بو غلبه سی ، پک هول انکیز نتایج حصوله سبب اولمشدر .

ادامه موجودیت و تأمین حیات ایده بیلیمک ایچون جمعیات بشریه ، عنعنات ، قوانین و عادات سایه سنده . فطرت انسانده جدائی بر صورتده مرکوز اولان بر چوق حیات و احتراصات حیوانیه نک تأثیرات غلیظه و مفترسه سنی تهوینه ساعی اولقندن کیری طور مامشلردر . بو حیات و احتراصاته بر حدود تعیین ایتک ممکندر ؛ حتی بر قوم و ملتک ساحه مدنیتده نه قدر مسافه قطع ایده بیلیمک کلامق ایچون ، بونلرک درجه محدودیت ویا فسحتی تدقیق کافیدر .

خلقک احتراصات و اغراضنه سربست بر جریان ویرمک صوک درجه خطرناکدر . بونلر اطرافه خسار ایرات اتمدجه مجرای اصلیه کیرمین نهرک فیضانیه بکزه در .
اختلالک دها بدایتنده [رپوارول] شویله دیوردی : « بر قوم و ملتک اعماقنی قاریشدیران مطلقاً فلاکت انتظار ایتلیدر . چونکه خلق ایچون اصلاً انتباه و بصیرت دوری یوقدر . »

کربری احمد ساقی

عثمانیلرک اوروپاده کی مستملکاتی

— (افلاق و بغداد) —

[مابعد]

قدیم « داجیا » Dakia, Dacia - که قاریات مائله لری دیمکدر - بسارابیا ، اردل ، بانات ممالک کئی حاوی ایدی . حدودینی طورله ایله « تائیس » شهرلری تشکیل ایدردی . اردل ، « ترانسیلوانیا » بوقوینا نمسیه ، و طورله ایله پروتک ساحلی روسیه یه کچدکن صکره افلاق و بغداد سلطنت عثمانیه نک خارج عن المرکز ایالاتی عدا دینه کیردی، عديم المدافعه بر حاله کلدی، و، عاقبت ضایع اولیویردی...